

Na osnovu člana 16.stav 4. Zakona o Vladi Zeničko-dobojskog kantona - Prečišćen tekst ("Službene novine Zeničko-dobojskog kantona", broj: 7/10) Vlada Zeničko-dobojskog kantona, a na prijedlog Ministarstva za boračka pitanja, na 203. sjednici, održanoj 04.02.2015.godine, d o n o s i

ZAKLJUČAK

I.

Odobravaju se sredstva u iznosu od 5.000,00 KM (slovima: pethiljada KM) Bećirović (Saida) Pašagi, 50% ratnom vojnom invalidu VII grupe iz Zavidovića u svrhu sufinansiranja naknade troškova liječenja - nabavke lijekova Rituximabom-MabThera i Bendamustini za naredna tri ciklusa polikemoterapijskog liječenja.

II.

Sredstva iz tačke I. Zaključka isplatit će se po Odluci o privremenom finansiranju za period januar-mart 2015.godine („ Službene novine Zeničko-dobojskog kantona“ broj: 8/14) sa budžetske pozicije Ministarstva za boračka pitanja, razdjel 24, budžetska organizacija 01, potrošačka jedinica 0001, ekonomski kod 614200 "Tekući transferi pojedincima", subanalitika OAD 214 "Pomoć za liječenje i nabavku lijekova".

III.

Uplata sredstava bit će izvršena na račun Općine Zavidovići, a Služba za upravu pitanja boraca, raseljenih lica i izbjeglica se obavezuje da sredstva iz člana I. ovog zaključka uplati na račun korisnika, te izvještaj sa dokazima o namjenskom utrošku sredstava dostavi Ministarstvu za boračka pitanja u roku od 15 dana od dana izvršene doznake istih.

IV.

Zadužuju se Ministarstvo za boračka pitanja i Ministarstvo finansija da u skladu sa zakonom i podzakonskim aktima realizuje ovaj zaključak, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/15.

Datum, 04.02.2015. godine

Zenica

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za boračka pitanja,

1x Ministarstvo finansija,

1x Općina Zavidovići, putem ministarstva,

1x a/a.